

### III. OUTRAS DISPOSICIÓNS

#### AXENCIA PARA A MODERNIZACIÓN TECNOLÓXICA DE GALICIA

*RESOLUCIÓN do 7 de marzo de 2017 pola que se convocan probas de avaliación de carácter libre para a obtención da certificación galega de competencias dixitais en ofimática.*

De acordo co previsto na Orde do 29 de abril de 2014 pola que se habilita e autoriza a Rede de centros para a modernización tecnolóxica de Galicia (rede CeMIT) para a formación e avaliación dos contidos formativos que compoñen o Plan formativo ofimático de Galicia, anúnciase a convocatoria de probas presenciais de avaliación de carácter libre para a obtención da certificación galega de competencias dixitais en ofimática (en diante, CODIX), que se desenvolverá de acordo coas seguintes bases:

**Primeira. Obxecto**

Obter a certificación galega de competencias dixitais en ofimática, regulada polo Decreto 218/2011, do 17 de novembro, tras a superación dunha proba presencial na cal se acreditarán os coñecementos, capacidades e destrezas definidos no Plan formativo ofimático de Galicia.

Poden participar nestas probas todas aquelas persoas maiores de 16 anos, ou que os cumpran antes da finalización do prazo de inscrición, inscritas como usuarios/as da rede CeMIT.

**Segunda. Contidos da proba**

1. O temario para a avaliación será o descrito no módulo formativo MF0233\_2 «Ofimática» (190 horas), asociado á unidade de competencia UC0233\_2 Manexar aplicacións ofimáticas na xestión da información e a documentación, do Catálogo nacional de cualificacións. As capacidades e criterios de avaliación do dito módulo formativo poden consultarse no Real decreto 558/2011, do 20 de abril, polo que se complementa o Catálogo nacional de cualificacións profesionais, mediante o establecemento de dúas cualificacións profesionais correspondentes á familia profesional de Administración e Xestión (BOE número 109, do 7 de maio).



2. A rede CeMIT publicou na súa plataforma de teleformación (<http://cemit.xunta.gal/ema>) os materiais formativos que forman parte do curso CODIX baixo a modalidade de «Autoformación» como material de apoio para a preparación destas probas:

- Sistema operativo, busca da información: internet/intranet e correo electrónico.
- Aplicacións informáticas de tratamento de textos. LibreOffice Writer.
- Aplicacións informáticas de follas de cálculo. LibreOffice Calc.
- Aplicacións informáticas de bases de datos relacionais. LibreOffice Base.
- Aplicacións informáticas para presentacións: gráficas de información. LibreOffice Impress.

Terceira. *Prazas convocadas, datas, lugar e horario*

1. As probas de avaliación presencial que se convocan desenvolveranse de acordo co seguinte calendario:

| Localidade    | Provincia  | Día                | Hora  | Nº de prazas |
|---------------|------------|--------------------|-------|--------------|
| Abegondo      | Coruña, A  | Mércores, 26 abril | 10.00 | 15           |
| Coruña, A     | Coruña, A  | Mércores, 26 abril | 10.00 | 16           |
| Oroso         | Coruña, A  | Mércores, 26 abril | 10.00 | 12           |
| Pontedeume    | Coruña, A  | Mércores, 26 abril | 10.00 | 10           |
| Sarria        | Lugo       | Mércores, 26 abril | 10.00 | 18           |
| Bande         | Ourense    | Mércores, 26 abril | 10.00 | 11           |
| Campo Lameiro | Pontevedra | Mércores, 26 abril | 10.00 | 9            |
| Pontevedra    | Pontevedra | Mércores, 26 abril | 10.00 | 25           |
| Valga         | Pontevedra | Mércores, 26 abril | 10.00 | 11           |

| Localidade             | Provincia  | Día             | Hora  | Nº de prazas |
|------------------------|------------|-----------------|-------|--------------|
| Brión                  | Coruña, A  | Xoves, 27 abril | 10.00 | 10           |
| Santiago de Compostela | Coruña, A  | Xoves, 27 abril | 10.00 | 17           |
| Barco, O               | Ourense    | Xoves, 27 abril | 10.00 | 15           |
| Ourense                | Ourense    | Xoves, 27 abril | 10.00 | 18           |
| Verín                  | Ourense    | Xoves, 27 abril | 10.00 | 11           |
| Lalín                  | Pontevedra | Xoves, 27 abril | 10.00 | 18           |
| Tomíño                 | Pontevedra | Xoves, 27 abril | 10.00 | 9            |
| Vigo                   | Pontevedra | Xoves, 27 abril | 10.00 | 13           |



| Localidade             | Provincia  | Día             | Hora  | Nº de prazas |
|------------------------|------------|-----------------|-------|--------------|
| Arzúa                  | Coruña, A  | Xoves, 27 abril | 16.00 | 16           |
| Coruña, A              | Coruña, A  | Xoves, 27 abril | 16.00 | 16           |
| Padrón                 | Coruña, A  | Xoves, 27 abril | 16.00 | 12           |
| Santa Comba            | Coruña, A  | Xoves, 27 abril | 16.00 | 18           |
| Santiago de Compostela | Coruña, A  | Xoves, 27 abril | 16.00 | 17           |
| Sarria                 | Lugo       | Xoves, 27 abril | 16.00 | 18           |
| Vicedo, O              | Lugo       | Xoves, 27 abril | 16.00 | 6            |
| Castro Caldelas        | Ourense    | Xoves, 27 abril | 16.00 | 14           |
| Leiro                  | Ourense    | Xoves, 27 abril | 16.00 | 6            |
| Ourense                | Ourense    | Xoves, 27 abril | 16.00 | 18           |
| Cañiza, A              | Pontevedra | Xoves, 27 abril | 16.00 | 20           |
| Pontevedra             | Pontevedra | Xoves, 27 abril | 16.00 | 25           |

| Localidade    | Provincia  | Día              | Hora  | Nº de prazas |
|---------------|------------|------------------|-------|--------------|
| Ames          | Coruña, A  | Venres, 28 abril | 10.00 | 12           |
| Boiro         | Coruña, A  | Venres, 28 abril | 10.00 | 10           |
| Pontes, As    | Coruña, A  | Venres, 28 abril | 10.00 | 19           |
| Vimianzo      | Coruña, A  | Venres, 28 abril | 10.00 | 15           |
| Barreiros     | Lugo       | Venres, 28 abril | 10.00 | 12           |
| Carballedo    | Lugo       | Venres, 28 abril | 10.00 | 7            |
| Fonsagrada, A | Lugo       | Venres, 28 abril | 10.00 | 10           |
| Celanova      | Ourense    | Venres, 28 abril | 10.00 | 11           |
| Cuntis        | Pontevedra | Venres, 28 abril | 10.00 | 8            |
| Marín         | Pontevedra | Venres, 28 abril | 10.00 | 18           |

2. As probas de avaliación terán lugar nas dependencias das aulas CeMIT de cada localidade indicada no punto anterior, localizacións que se poden consultar na web <http://cemit.xunta.gal/centros>.

#### Cuarta. *Solicitudes de participación*

1. As persoas que desexen participar nas probas presenciais deberán inscribirse na páxina web de CeMIT <http://cemit.xunta.gal>.

2. Con carácter previo á inscrición é necesario darse de alta como usuario/a da rede CeMIT. Nesta alta previa é imprescindible facilitar unha conta persoal de correo electrónico.



3. O prazo para a inscrición será de sete (7) días naturais a partir do seguinte ao da publicación desta resolución no *Diario Oficial de Galicia*. Se o último día do prazo é inhábil, entenderase prorrogado ao primeiro día hábil seguinte.

4. A inscrición poderá realizarse a través da internet ata as 14.00 horas da data de finalización do prazo de presentación de solicitudes.

5. Soamente se poderá presentar unha solicitude de inscrición por persoa participante, sendo excluídos automaticamente aqueles solicitantes que figuren inscritos en máis dunha localidade ou horario.

6. Unha vez que remate o prazo de inscrición e aplicados os criterios de selección que se recollen na base quinta, publicarase a relación provisional de persoas admitidas en cada unha das localidades na páxina web da rede CeMIT (<http://cemit.xunta.gal>), así como a listaxe de reservas e de excluídos.

#### Quinta. *Criterios de selección*

1. As prazas dispoñibles en cada localidade asignaranse por orde alfabética entre as persoas preinscristas en tempo e forma aplicando o resultado dun sorteo público que se realizará unha vez que remate o prazo de inscrición, e cuxo lugar e data de realización se publicará na páxina web de CeMIT (<http://cemit.xunta.gal>).

2. No sorteo extraeranse dúas letras do abecedario que determinarán, correlativamente, a primeira e segunda letra do primeiro apelido. As dúas extraccións levaranse a cabo con todas as letras.

3. A orde de prelación comezará pola persoa solicitante cuxo primeiro apelido comece coas dúas letras extraídas, e, se non houberse ningunha, continuarase pola seguinte persoa solicitante por orde alfabética pasando de «ZZ» a «AA».

4. En caso de coincidencia no primeiro apelido entre varias persoas solicitantes, acudírase como criterio de desempate ao segundo apelido e nome, por orde alfabética. Cando os apelidos vaian precedidos de preposicións, conxuncións ou artigos, estes non serán tidos en conta.

5. Os resultados deste sorteo, así como as listaxes de persoas admitidas provisionalmente e en lista de espera, serán publicados na web da rede CeMIT para a súa consulta pública (<https://cemit.xunta.gal>).



**Sexta. Fase de matriculación**

1. As persoas admitidas provisionalmente recibirán un correo electrónico confirmatorio coas instrucións necesarias para proceder á súa matriculación.

2. As persoas con dereito a matriculación deberán aboar no prazo de cinco (5) días hábiles desde a data de publicación das listaxes provisionais a taxa correspondente aos dereitos de exame; serán excluídos aqueles aspirantes que non aboan a citada taxa.

3. Unha vez rematado o prazo para que as persoas admitidas provisionalmente aboan os dereitos de exame, e no caso de existiren prazas libres, chamarase da lista de espera ata cubrir todas as vacantes. As persoas admitidas por esta quenda deberán aboar a taxa correspondente aos dereitos de exame no prazo de cinco días hábiles desde a data do dito chamamento.

4. As persoas que resulten seleccionadas poderán comunicar a súa renuncia a participar no desenvolvemento da actividade con polo menos 48 horas de antelación ao comezo desta. A devandita renuncia deberá comunicarse por correo electrónico ao enderezo [formacion-cemit@xunta.gal](mailto:formacion-cemit@xunta.gal).

**Sétima. Taxas de exame**

1. Segundo o anexo 1 da Lei 6/2003, do 9 de decembro, de taxas, prezos e exaccións reguladoras da Comunidade Autónoma de Galicia (DOG núm. 240, do 11 de decembro), o importe da taxa para inscribirse nas probas de obtención da certificación galega de competencias dixitais en ofimática será de dez (10) euros.

2. Estarán exentas do pagamento da dita taxa as persoas con dereito a matriculación incluídas dentro dos supostos de exencións recollidos no artigo 23.10 da Lei 6/2003, de taxas, prezos e exaccións reguladoras da Comunidade Autónoma de Galicia.

3. O xustificante de pagamento da taxa correspondente aos dereitos de exame, así como calquera documentación complementaria no caso de exención, deberá presentarse electrónicamente no enderezo [formacion-cemit@xunta.gal](mailto:formacion-cemit@xunta.gal), utilizando calquera procedemento de copia dixitalizada do documento orixinal. Neste caso, as copias dixitalizadas presentadas garantirán a fidelidade co orixinal baixo a responsabilidade da persoa solicitante. A Administración poderá requirir a exhibición do documento orixinal para a comprobación da validez da copia electrónica presentada, segundo o disposto no artigo 35.2 da Lei 11/2007,



do 22 de xuño, de acceso dos cidadáns aos servizos públicos, e 22.3 do Decreto 198/2010, do 2 de decembro, polo que se regula o desenvolvemento da Administración electrónica na Xunta de Galicia e nas entidades dela dependentes.

#### Oitava. *Desenvolvemento das probas*

1. As probas de avaliación presencial para a obtención da certificación galega de competencias dixitais en ofimática teñen o seguinte formato:

Proba de avaliación:

| Preguntas tipo test: número | Tempo dispoñible: minutos | Intentos | Respostas incorrectas: desconto | Superación: porcentaxe de respostas correctas |
|-----------------------------|---------------------------|----------|---------------------------------|---|
| 50                          | 90                        | Un       | Non                             | 60 %  |

2. É obrigatoria a asistencia con puntualidade ás probas de avaliación. Levarase a cabo un único chamamento por orde alfabética.

3. A non comparecencia no lugar e data sinalado para a realización das probas suporá a perda dos dereitos que poidan derivar desta convocatoria; non serán tidas en conta causas de forza maior ou calquera outra causa para emendar a non comparecencia.

4. As persoas participantes deben presentarse provistas do DNI ou doutro documento fidedigno acreditativo da súa identidade.

5. Para realizar a proba de avaliación é necesario que cada participante lembre as súas credenciais de acceso á rede CeMIT (usuario e contrasinal).

6. Non se autoriza o uso de dispositivos electrónicos nin de ningún material adicional durante o desenvolvemento das probas de avaliación.

7. Na páxina web <http://cemit.xunta.gal> actualízase e amplíase a información sobre estas probas de avaliación presencial.

#### Novena. *Facultades da Amtega*

1. Resolver aquelas incidencias que se poidan producir no desenvolvemento e xestión das probas de avaliación. Así mesmo, correspóndelle prover canto sexa necesario para a execución e cumprimento desta resolución.

2. Modificar o desenvolvemento e contido das probas, as datas e os lugares, así como resolver todas as continxencias que poidan xurdir.



3. Expedir a certificación galega de competencias dixitais en ofimática a todas aquelas persoas que superen a proba da avaliación, segundo o disposto no Decreto 218/2011, do 17 de novembro, que regula a citada certificación (DOG núm. 229, do 30 de novembro).

#### Décima. *Notificacións*

1. Notifícaranse as persoas que superen as probas de avaliación a súa resolución, preferentemente por medios electrónicos, podendo decidir e comunicar en calquera momento que as notificacións sucesivas se practiquen ou deixen de practicar por medios electrónicos.

2. As notificacións electrónicas realizaranse mediante o Sistema de notificación electrónica de Galicia - Notifica dispoñible a través da sede electrónica da Xunta de Galicia (<https://sede.xunta.gal>). Este sistema remitirá ás persoas interesadas avisos da posta á disposición das notificacións, mediante un correo electrónico dirixido á conta de correo que conste na solicitude para efectos de notificación.

3. As notificacións por medios electrónicos entenderanse practicadas no momento en que se produza o acceso ao seu contido. Cando a notificación por medios electrónicos sexa de carácter obrigatorio, ou fose expresamente elixida pola persoa interesada, entenderase rexeitada cando transcorresen dez días naturais desde a posta á disposición da notificación sen que se acceda ao seu contido.

4. Se o envío da notificación electrónica non for posible por problemas técnicos, a Administración xeral e do sector público autonómico de Galicia practicará a notificación polos medios previstos na normativa reguladora do procedemento administrativo común.

#### Undécima. *Datos de carácter persoal*

1. De conformidade coa Lei orgánica 15/1999, do 13 decembro, de protección de datos de carácter persoal, os datos persoais recollidos na tramitación deste procedemento serán incluídos nun ficheiro co obxecto de xestionalo e informar as persoas interesadas sobre o seu desenvolvemento, así como para a emisión do correspondente certificado. O órgano responsable deste ficheiro é a Axencia para a Modernización Tecnolóxica de Galicia.

2. Os dereitos de acceso, rectificación, cancelación e oposición poderanse exercer ante a Axencia para a Modernización Tecnolóxica de Galicia, mediante escrito dirixido á Axencia para a Modernización Tecnolóxica de Galicia (Amtega), Centro de Innovación Cultural



e Modernización Tecnolóxica de Galicia, Cidade da Cultura de Galicia, Monte Gaiás, s/n, 15781 Santiago de Compostela (A Coruña), achegando copia do seu DNI ou, de ser o caso, acreditando representación suficiente, ou a través dun correo electrónico a: [lopd@xunta.gal](mailto:lopd@xunta.gal).

Santiago de Compostela, 7 de marzo de 2017

María del Mar Pereira Álvarez  
Directora da Axencia para a Modernización Tecnolóxica de Galicia

CVE-DOG: 7aqc90t0~vds7-5va3-ach2-8sjbhrq5zi9

